



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 633. Usque Ad Annum 726

Fleury, Claude

August. Vind. [u.a.], 1760

VD18 90117840

§. 60. Translatio S. Benedicti.

[urn:nbn:de:hbz:466:1-66082](https://nbn-resolving.org/urn:nbn:de:hbz:466:1-66082)

Sæculum VII Is natus Elusæ in Aquitania, cujus Civi-
A.C. 649. tatis Episcopus parens ejus postea ordi-
 natus est, relicto mundo annum ætatis
 agens vigesimum in Abbacia Resbasiensi,
 a S. Audoeno nuper fundata, Institutum
 Monasticum elegit, & S. Ailo mortuo Ab-
 bas creatus est. Inde ad Monasterium
 Luxoviense, Bobiense, aliaque in Fran-
 cia, & Italia celeberrima invisit. Regu-
 las S. Basilii, S. Macarii, S. Benedicti, &
 S. Columbani assidue legens, tandem ad
 novum Monasterium condendum ani-
 mum adjecit, atque in eum finem agro,
 qui tunc Gemmeticus, & hodie Jumegius
 dicitur, a Rege Clodoveo & S. Batilde
 Regina impetrato, Abbatiam ejusdem
 nominis in Diœcesi Rothomagensi, tri-
 bus Leucis Fontanella distitam, fundavit.
 Id contigit anno circiter 654. cumque S.
 Filibertus in illis exordiis septuaginta Mo-
 nachos Jumegium induxisset, post non
 longum temporis spatium eorum nume-
 rus in septuplum, id est, ad Monachos
 fere quingentos auctus est.

§. LX.

S. Benedicti Translatio.

Att. Ben. to.
2. p. 353. &
674. Sub idem ferme tempus S. Benedicti Re-
 liquiæ in Galliam translatae sunt. Leo-
 debodius ad S. Anianum Aureliani Abbas
 fundaverat ad Ligerim Monasterium Flo-
 riacense, cujus Abbas Mummolus, cum
 quadam

quadam die in Dialogis S. Gregorii Vati-
 cinium S. Benedicti de Monasterii sui in
 monte Cassino ruina legisset, propo-
 situm cepit Viri Sancti Reliquias transfe-
 rendi. Hoc consilio, misit unum Mona-
 chorum suorum, nomine Aigulfum, cui
 cum se aliquot viri ex agro Cenomanen-
 si, qui Floriacum diverterant, profectu-
 ri in Italiam, & inde Sanctorum Reli-
 quias allaturi, viæ socios junxissent, ubi
 ad montem Cassinum pervenerunt, in
 illis ruinis Monasterii ab annis plus quam
 septuaginta derelicti diligentissime Re-
 liquias investigantes, invenerunt tumu-
 lum, in quo simul corpora S. Benedicti &
 Sororis ejus S. Scholasticæ quiescebant.
 Hæc itaque Floriacum transfulerunt, ubi
 S. Benedicti ossa in Ecclesia S. Petri ma-
 xima pompa fuere deposita, ossa vero
 S. Scholasticæ Cenomanum delata, ubi ea
 S. Berarius Episcopus in Monasterio Vir-
 ginum a se fundato condidit.

Hæc S. Benedicti translatio undecimo
 Julii, & ut creditur, anno 653. contigit,
 quo die Ecclesia hujus rei memoriam ce-
 lebrat. (*)

§. LXI.

(*) In Germania non agitur Festum Trans-
 lationis sed Commemorationis. Fleurius de hac
 Translatione non dubitat. Si quis Argumenta
 in contrarium legere velit, revolvat Baronium
 ad hunc annum. Qui Cardinalis hujus Anna-
 les in Compendium coegit, affert hæc verba:

Ex